

# Чин приема приходящих от язычества

ЧИН КАКО ПРИИМАТИ ПРИХОДЯЩИХ ОТ ЯЗЫЧЕСТВА / Чин присоединение к Православной Церкви приходящих от язычества / Чин присоединение к Православной Церкви совершается в отношении уверовавших во Христа бывших иноверцев, а также покаявшихся еретиков и сектантов. Решениями I-го (8-е и 19-е правила) и II-го (7-е прав.) Вселенских Соборов были установлены общие правила принятия в Церковь иноверных. В VII веке Шестой Вселенский Собор, подтвердив прежние церковные постановления, окончательно определил принципы присоединения к Православию (95-е правило).

## КАНОНИЧЕСКАЯ СПРАВКА

"Идите, научите все народы, крестя их во имя Отца и Сына и Святого Духа" (Мф.28,19). -Таково неизменное на все века повеление Христа Спасителя. Точно следуя ему Православная Церковь в течении всей Своей истории всех взрослых ищущих благодати святой Купели (начиная с 7 лет-см.пр.1 Тимофея александрийского) допускала до него отнюдь не сразу, а лишь по научению основам веры (оглашение) и отречении от заблуждений предыдущего вероисповедания. "Крещаемым должно изучати веру, и в пятый день седмицы давати ответ епископу, или пресвитерам."(46 пр.Лаод.Соб.) Такая практика существовала и в Русской Церкви вплоть до революции. По свидетельству литургиста прот.К.Никольского ( Учебный Устав Богослужение.СПб.1907 стр.663-665), то чинопоследование Крещения, которое приведено в Требнике является завершением чина присоединения и без этого чина совершается лишь над младенцами до 7 лет. Во время безбожных гонений такая практика была утрачена и сейчас язычники (к которым принадлежит большинство приходящих ко Крещению) присоединяются к Церкви как младенцы, без отречения от своих заблуждений и без покаяния в грехах своих. Эта практика грубо противоречит Священному Писанию (Мф.28,19;Мк.16,15-16;Деян.2,38) и ведет к тому, что многие новокрещенные сразу после Таинства уходят на страну далече, в разные секты и оккультные практики. Священники таким образом оказываются нарушителями заповеди Спасителя: "Не давайте святыни псам и не бросайте жемчуга вашего пред свиньями, чтоб они не попрали его ногами своими и, обратившись, не растерзали вас,"(Мф.7,6) и презирают святые каноны (2 пр.1 Всел.Соб.)

Сам чин присоединения язычников был издан еще до 1917 года, но в связи с тем, что само язычество претерпело ряд изменений изменился и чин отречения.

Время оглашения никогда жестко не регламентировалось, но зависело от степени осознания оглашаемым основ веры и появлением желания жить по ней. Обычно, в Русской Церкви оно длилось сорок дней, а таинство Крещения происходило на великие праздники или же в день воскресный. Однако этот срок может быть и сокращен, и продлен. В случае угрозы смерти чин присоединения может быть совершен за один день.

## **ЧИНОПОСЛЕДОВАНИЕ**

Первое исследование подобает, аще не быша уже крещени, и аще истинно, спасения ради души своея, а не прибытка ради, или иныя привременныя вины, крещения святаго сподобитися желают. Известився же несумненно, яко спасения точию ищут, архиерей или иерей оглашает их и имена им христианская нарицает.

Пришедше убо хотящи огласитися, с восприемники своими, станут пред дверьми церковными.

Святитель же, вшед во алтарь и откровенною главою пад ниц пред святой трапезою, благодарение воздает Богови о обращении их, и молится, да даруется ему самому благодать, во отверзении уст, во еже возмощи ему научити их пути спасительному. По молитве сей, востает, и на мантию приемлет епитрахиль и омофор, митру на главу и вне алтаря жезл в шуицу.

Аще ли действует иерей, сицевым же образом помолився, и возложь на себя епитрахиль и фелонь, и целовав святую трапезу, исходит к западным церковным дверем. Клир же поет псалом 33:

Благословлю Господа на всякое время, выну хвала Его во устехъ моихъ: о Господе похвалится душа: да услышатъ кротцыи, и возвеселятся. Возвеличите Господа со мною, и вознесемъ имя Его вкупе. Взысках Господа, и услыша мя, и отъ всехъ скорбей моихъ избави мя. Приступите къ Нему и просветитесь, и лица ваша не постыдятся. Сей нищий воззва, и Господь услыша и, и отъ всехъ скорбей его спасе и. Ополчится ангель Господень окрестъ боящихся Его и избавить ихъ. Вкусите и видите, яко благ Господь: блаженъ мужъ, иже уповаеть на нь. Бойтесь Господа, вси святии Его: яко несть лишения боящимся Его. Богатии обнищаша и взалкаша: взыскающии же Господа не лишатся всякаго блага. Приидите, чада, послушайте мене, страху Господню научу васъ. Кто есть человекъ хотяй животъ, любяй дни видети благи? Удержи языкъ

твой от зла,и устне твои еже не глаголати лъсти:Уклонися от зла и сотвори благо:взыши мира и пожени и.Очи Господни на праведныя,и уши Его въ молитву ихъ: лице же Господне на творящя злая,еже потребити от земли память ихъ.Воззваша праведнии,и Господь услыша ихъ,и от всехъ скорбей избави ихъ.Близъ Господь сокрушенныхъ сердцемъ и смиренныя духомъ спасеть.Многи скорби праведнымъ,и от всехъ ихъ избавить я Господь.Хранить Господь вся ковити ихъ,ни едина от нихъ сокрушится.Смерть грешниковъ люта,и ненавидящии праведнаго прегрешать:Избавить Господь души рабъ Своихъ,и не прегрешать вси уповающи на Него.

Став же у дверей внутрь храма,вопрошает оглашаемаго:

Кто еси?

Ответ:Аз есмь,истиннаго Бога познати желаяй и спасения ищяй.

В.Что пришел еси ко святей Церкви?

О.Научитися от Нея истинней вере и к Ней присоединитися.

В.Кую пользу получитьи надеешься от истинныя веры?

О.Жизнь вечную и блаженную.

Таже священнодействуяй поучает:

Аще хочещи имети жизнь вечную,долженствуеши веру православно-кафолическую соблюсти.Вера же сия сеть,яко да Бога единого в Троице,Отца и Сына и Святаго Духа,и Троицу во Единице исповедуеши,не сливая Лиц,ниже разделяя Существо.Бог бо есть Отец,Бог Сын,Бог Дух Святой:обаче не трие бози,но един Бог.И о воплощении Господа нашего Иисуса Христа да разумееш,яко Бог есть и Человек:Бог,Сын Единородный от Бога Отца прежде всех век рожденный,Человек же,от Марии Приснодевы плоть нашу восприемый:пострада плотию и распят на Кресте ради нашего спасения,умерый и воскресый,вознесыйся на небеса и седый оденую Бога и Отца :егда же приидет судити,вси воскреснут,и праведницы жизнь блаженную наследуют,злая же творившии примут муку вечную по делом своим.Сию веру проповедаша апостоли,своею кровию запечатлеша мученицы,провозвещаху Собори и вси отцы и учителяе Церковнии.Тако и ты веруя,долженствуеши и заповеди Господни соблюдати:вера бо без дел мертва есть.Древняя и большыя заповеди сия суть:Возлюбиши Господа Бога Твоего от всея души твояе,и ближняго твоего,яко сам себе.Внушая нам хранити сия обоя,Христос Спаситель наш повеле нам и врагов любити,и всем обидящим

добро творити,и всякаго зла уклонятися.Корения же зла сия суть:гордость,лихоимание,похоть плотская,зависть,невоздержание,гнев и леность.Ты же,яко царствия небеснаго наследник быти хочещи,побеждай оныя добродетельми:гордость смирением,лихоимание милосердием,похоть плоти целомудрием,зависть сорадованием,невоздержание трезвостию и пощением,леность усердием к молитве,богослужению и прочим делом благочестия.

По окончании сего поучения,бывает вопрошение:

Хочещи ли убо сию святую веру сердцем твоим прияти,и неотступно,до кончины жизни твоея,содержати,такожде и добродетелем христианским навыкнути,и в них по силе,при помощи Божией,преуспевати ?

Ответ:Истинно от всего сердца моего хочу веру сию святую содержати до последнего моего издыхания,добродетельному же евангельскому житию прилежати,моля Бога о помощи.

Предстоятель глаголет к нему:

Преклони колена твои пред Господем Богом нашим.

Он же,колена преклонь и руце крестообразно на персех сложены имея,пред дверми стоит.

Предстоятель,знаменяя главу его трижды,глаголет:

Знаменается раб Божий (имя) во имя Отца ,и Сына,и Святаго Духа.

Диакон:Господу помолимся.

Клир:Господи,помилуй.

Архиерей,или иерей,стоя над оглашаемым,чет молитву сию: Благословень еси,Господи ,от всехъ языкъ,призываяй люди

избранны,ревнители добрыхъ дель.Ты и ныне пришедшаго ко святей Твоей Церкви раба Твоего (имя) благослови:отверзи его очи душевныя къ разумению чудесь Твоего о насъ промышления,открый слухъ сердца его ко приятию Божественныхъ словесъ Твоихъ,да во время благоприятно сподобится бани возрождения и одежды нетления.Ты изъяль еси душу сего раба Твоего от прелести лукаваго:самъ убо сохрани ю невредиму отнаветъ вражиихъ,и обиталище благодати Твоея быти удостой.Твое бо есть,еже избавляти насъ от козней лукаваго,и Тебе славу и благодарение приносимъ,ныне и во веки

вековъ.

Клир:Аминь.

Последующие дни оглашаемый пребывает в пощении и молитвах:приходя во храм Божий к началу служб церковных,и тамо при дверех церковных стоя,и с сокрушением сердечным о своем прежнем омрачении воздыхая,со слезами молится о еже сподобитися ему приятия Святаго Крещения.Духовный же его наставник поучает его вере,изъясняет священные догматы,показует силу святых Таинств,внушает ему повиновение заповедем евангельским и церковным,и на едине испытует его,аще по чистому желанию сердца и без лицемерия к вере правослвней приходит.

### ОГЛАШЕНИЕ ПЕРВОЕ.

По днех довольнаго научения,по вечерни,предстоятель облачится во священную одежду,якоже предречеса,и поклонився трижды пред престолом и целовав край его,исходит от алтаря к дверем церковным.Поется же псалом 8:

Господи Господь нашъ,яко чудно имя Твое по всей земли,яко взятся великолепие Твое превыше небес.Изъ усть младенецъ и ссущихъ совершилъ еси хвалу,врагъ Твоихъ ради,еже разрушити врага и местника.Яко узрю небеса,дела перст Твоихъ,луну и звезды,яже Ты основалъ еси .Что есть человекъ,яко помниши его ? Или сынъ человекъ,яко посещаеши его? Умалилъ еси его малымъ чимъ от ангель,славою и честию венчалъ еси: и поставилъ еси его надъ дела руку Твоею ,вся покорилъ еси подъ нозе его: овцы и волы вся,еще же и скоты польския:птицы небесныя и рыбы морския.Господи Господь нашъ,яко чудно имя Твое по всей земли.

Оглашаемый же стоит в паперти,зря к храму.И глаголет предстоятель к нему:

Се,чадо,время наставления твоего преста.Темже,аще особне и вопрошаемъ был еси,любве ли ради Христовы и спасения души твоея христианин быти хочеши:обаче долженствуеши ныне и пред церковным собранием сия изъявити,языческаго лжеверия,в немже был еси,отрещися,и веру православную ясно исповедати.

В.Отрицаешися ли ты учения,яко Господь Бог или вовсе не существует,или же есть некая безличная сила пронизывающая Вселенную и не обладающая ни разумом, ни свободной волей?

О.Отрицаюся.

В.Отрицаешься ли хулы,яко Бог есть выше различения добра изла,а не есть существенное Благо и Любовь?

О.Отрицаюся.

В.Отрицаешься ли ты безумнаго мнения будто мір сей или вовсе несотворен и существовал всегда,или же он самоусовершенствовался и из беспорядочнаго состояния достиг сам порядка?

О.Отрицаюся и верую яко мір сей сотворен Единым Богом, а не слепым случаем.

В.Отрицаешься ли ты учения будто міром управляет судьба, а не свободное Божие произволение?

О.Отрицаюся.

В.Отрицаешься ли ты суеверия,яко душа человеческая по смерти или исчезает,или же переселяется из тела в тело?

О.Отрицаюся.

В.Отрицаешься ли безумнаго мнения будто возможно достигнуть блаженства на Земле лишь изменив внешние условия жития человеческого?

О.Отрицаюся.

В.Отрицаешься ли учения глаголющаго,яко спастися возможно находясь вне Православно-Кафолическия Церкви лишь своими добрыми делами?

О.Отрицаюся.

В.Отрицаешься ли ты суеверия,яко светила могут заставить человека сотворити нечто лукавое или благое,и обещаеши ли отвергнути всякие звездословия?

О.Отрицаюся от сего суеверия и отвергнути вся звездословия обещаю.

В.Отвергаеши ли ты всякое колдовство,магию и подобные сим богохульные занятия,яко общение с бесами и обещаеши ли впредь не имети никакаго общения со творящими сицевая?

О.Отвергаю сии непотребства,и с творящими их общения впредь имети не буду.

В.Сочетаваешься ли истинно,нелицемерно и ни в чем же сумняся,всею душою твоею,единому истинному,в Троице славимому Богу,и веруеши ли в Него?

О.Сочетаваюся истинно,нелицемерно и без коего-либо сомнения,от всея души моя,единому,истинному ,в Троице славимому Богу,и верую в Него.

ОГЛАШЕНИЕ ВТОРОЕ.

В.Исповедуеши ли ,яко Отец,Сын и Святой Дух есть Бог един,по существу нераздельный,в триех же Лицах разделяемый? И веруеши ли в Него?

О.Сице верую,исповедую и Богу триединому поклоняюся.

В.Веруеши ли,яко мир сей сотворен Всемогущим Богом из несущих в шесть дней по единой Его благодати,а не по нужде?

О.Сице верую и тако исповедую.

В.Веруеши ли ,яко Вселенная управляется всеблагим Промыслом всякому доброму воспешествующим,а всякое зло возникающее чрез уклонение разумных существ от Бога пресекающим и обращающим к добрым последствиям ?

О.Тако верую и сице исповедую.

В.Веруеши ли и исповедуеши,яко Иисус Христос,единородный Сын Божий ,от Отца прежде всех век рожденный,воплотися от Духа Святаго и Девы Марии,нашего ради спасения,и бысть человек,сый вкупе и Бог,во единой Ипостаси,в двух же естествах,Божеством и человечеством,непреложно и неслитно?

О.Сице верую и тако исповедую.

В.Веруеши ли ,яко Господь Иисус Христос не нуждею,но волею ,истинною,а не привидением плотию пострада за нас,божеством же безстрастен прибысть,силою Своего Божества воскресе,на небеса с плотию взыде,и сидит одесную Отца,отонудуже паки приидет судити живым и мертвым,и царствовати имать,и царствию Его не будет конца?

О.Тако сердцем верую,и усты нелицемерно вся сия исповедую.

В.Веруеши ли в бессмертие человечесей души и в воскресение плоти?

О.Сице верую и тако исповедую.

В.Веруеши ли,яко вне Господа Иисуса Христа и Его Православней Церкви обрести спасение невозможно?

О.Сице верую и сие сердечно исповедую.

В.Веруеши ли,яко Дева Мария,рождшая Христа Бога нашего,есть Приснодева и воистинну Богородица,и того ради достойно есть почитати Ю,яко честнейшую и вышшую сил безплотных ,и поклонятися Ей благоговейно,яко первойшей о нас к Богу Ходатаице?

О.Вся сия о Приснодеве Марии исповедую,яко Божию Матерь сию почитаю,и в молитвах имам прибегати к Ней.

В.Веруеши ли,яко Крест Господа нашего Иисуса Христа,на нем распятаго,не ктому проклятия и смертной казни орудие есть,но спасения и жизни вечныя знамение,еже на себе изображающе,сетей вражиих избегаем?

О.Сице о Кресте Господни верую,и сим спасительным знамением ограждати себе от сетей лукаваго,со упованием,потщуся.

В.Веруеши ли,яко в Церкви Своей Святей Господь наш Иисус Христос учредил есть таинств седмь,яко необходимых:крещение,миропомазание,причащение,покаяние,священство,бра к и елеосвящение,чрез нихже подаваемою благодатию вернии раби Христовы бывають наследницы жизни вечныя?

О.Сице о святых таинствах верую,и оныя седмь в Церкви Божией,ко спасению чад Ея ,необходимыми исповедую.

В.Веруеши ли,яко священное Писание Ветхаго и Новаго Завета,Церквию содержимое,святии Божии человецы изглаголаша,от Святаго Духа просвещаеми,и того ради приемлиши ли оное,яко богодухновенное и спасительное? От неприемлющих же и хулящих е отметаешися ли?

О.Писание священное,Церквию содержимое,яко богодухновенное и святое,и аз приемлю,яко слово Божие,ко спасению нам данное:неприемлющих же и хулящих оное отметаюся.

В.Апостольская и святых отец предания,чиноположения и молитвословия,нашей Церквию содержимая,вменяеши ли душеспасительна быти и приемлиши ли я?

О.Вся сия душеспасительна быти верую и последовати онем,елико от мене



потребно,обещаваюся.

В.Веруеши ли,яко апостоли,мученицы и вси святии,ихже Церковь наша чтит и в мольбу призывает,суть воистинну угодницы Божии,со Христом во Царствии небеснем пребывают и о нас грешных молятся?

О.Верую,и святых угодников Божиих отныне в мольбу призываю.

В.Честныя иконы,яже Христа,Богоматере и святых лики изображают,приемлеш ли к почитанию,якоже в Церкви православней установлено есть,и хулящих я отрицаеш ли?

О.Иконы честныя приемлю,во еже по чину церковному поклонятися изображенным на оных святым ликом: хулящих же оныя отрицаюся.

В.Сия,яже изрекл еси,от всея ли души твоя и от всего помышления твоего исповедуеши,не нуждею ли ко христианстей вере приходиши,и от свободного ли произволения сподобитися святаго крещения желаеши?

О.Истинно вся,яже изрекох,сице исповедую,и содержати до конца жизни моя обещаюся,от своего произволения,нелицемерно ко христианстей вере прихожду и спасительное крещение прияти вседушевно желаю.

Предстоятель глаголет:

Аще воистинну тако есть,якоже рекл еси,сия пред Церковию клятвою утверди.

Он же четет:аще ли не умеет,вслед за чтущим восприемником,или клириком,по единому слову сия глаголет:

Аз (имя) от язычества ко христианстей вере приходяй,днесь пред Всевидящим Богом клятвою моею известую,яко не по принуждению или страху,или чрез притеснение от единовѣрных ми,и не корысти ради,или иныя утаенныя мною вины, языческаго лжеверия и всех,яже во онем,ересей и злохулений отрицаюся,и ко спасительней христианстей вере прихожду:но точию ради спасения души своея,быв самою истиною сея веры побежден,и любовь сердца моего ко Христу Спасителю влекомь,христианином быти хочу и крещения святаго сподобитися желаю.Аще же сия с лицемерием ныне исповедую,а не от желания сердца моего ко Христу Богу прихожду,и послежде веры христианския отрещися и паки в язычество возвратитися дерзну,да постигнет мя гнев Божий и осуждение вечное.Аминь.

Посем иерей речет:

Благословенъ Богъ,хотяй всемъ человекомъ спастися и въ разумъ истины приити.Аминь.

Диакон:Оглашеннии,главы ваша Господеви приклоните.

Клир:Тебе,Господи.

Оному убо главу приклоншу,диакону рекшу:Господу помолимся,и клиру:Господи,помилуй,и предстоятель четет молитву сию:

Боже великий,первобытную тму просветивый и Сына Твоего низпославый во очищение падшаго естества нашего,Самъ и раба Твоего (имя),подклоншаго Тебе главу свою,преведи от омрачения греховнаго къ свету Твоего богоразумия,очисти от скверны,изми от козней сопротивнаго ,и сопричти его избранному Твоему стаду,даруя ему часть и жребий въ Церкви Твоей святей.Ты бо еси Богъ нашъ,сый благословенъ во веки.

Клир:Аминь.

Таже знаменав оглашеннаго и зря ко алтарю,диакону рекши:Господу помолимся,и клиру:Господи,помилуй,глаголет молитву сию:

Боже великий и дивный,призываяй заблуждшихъ и рекий:Обратитесь ко Мне,и обращуся къ вамъ,и обращающагося приемляй,по слову Твоему:Грядущаго ко Мне не изжену вонъ! Самъ и раба Твоего сего (имя)приходящаго къ Тебе от заблуждения пути Своего,приими,предъусреть его благодатию Твоею,введи его во дворъ Твой Церковный:отверзи ему врата правды,въ няже вшедъ,возможесть избегати всякия прелести,лжи и неправды:ангела ему послѣ,сопутствующа на добремъ пути,на немже обрель еси Тебе,Спаса нашего Бога:укрепи веру его,надежду и любовь чистую,и яви лице Твое на немъ,яко да сподобится бани пакибытия и одежды нетления,и тако во обновлении жизни ходити начнетъ.Твое бо еси,еже милovati,просвещати и спасати насъ,и Тебе славу возсылаемъ,Отцу и Сыну и Святому Духу,ныне же и во веки.

Клир:Аминь.

Аще мнози суть оглашеннии,подобает,идеже потреба,именовати всех:и ожидают святого Крещения по чину Православныя Церкви.